



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU BOSANSKOHERCEGOVAČKE PATRIOTSKE STRANKE-SEFER HALILOVIĆ

Broj: 03-07-6-269/20
Sarajevo, 08.09.2021. godine

S A D R Ž A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosanskohercegovačke patriotske stranke-Sefer Halilović za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Bosanskohercegovačka patriotska stranka-Sefer Halilović prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Bosanskohercegovačke patriotske stranke-Sefer Halilović za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2019. godinu, Bosanskohercegovačka patriotska stranka-Sefer Halilović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	7.556,54	5,73
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	14.171,52	10,74
7.	Prihodi iz budžeta (3-f)	110.212,13	83,53
8.	Prihodi od propagande (3-g)	0,00	0,00
I	Ukupni prihodi (1-8)	131.940,19	100,00
II	Ostali prihodi i drugo	0,00	0,00
	Izvori finansiranja (I+II)	131.940,19	100,00

U godišnjem finansijskom izvještaju za 2019. godinu stranka je iskazala rashode u iznosu od 151.369,28 KM.

2. PREDSTAVLJANJE POLITIČKE STRANKE

Naziv političke stranke: Bosanskohercegovačka patriotska stranka-Sefer Halilović. Skraćeni naziv BPS-Sefer Halilović.

Bosanskohercegovačka patriotska stranka-Sefer Halilović je registrovana kod Kantonalnog suda u Sarajevu, Rješenjem broj: 065-0-Reg-06-001437 od 28.06.2006. godine.

Sjedište stranke je u Sarajevu, Čemaluša 6/II.

Lice ovlašteno za zastupanje stranke je Sefer Halilović, predsjednik stranke.

Lice ovlašteno za podnošenje finansijskih izvještaja za 2019. godinu je Nalvedina Dedagić-Čengić.

Prema podacima iz godišnjeg finansijskog izvještaja za 2019. godinu, Bosanskohercegovačka patriotska stranka-Sefer Halilović ima sljedeću organizacionu strukturu:

- Centrala BPS-SH,
- 6 regionalnih odbora,
- Gradski odbor Mostar,
- 63 općinska odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosanskohercegovačke patriotske stranke-Sefer Halilović za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Bosanskohercegovačke patriotske stranke-Sefer Halilović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled, odnosno reviziju godišnjih finansijskih izvještaja Bosanskohercegovačke patriotske stranke-Sefer Halilović u periodu od 2006. do 2018. godine, nakon kojih su izdati izvještaji revizije sa mišljenjem revizora, nalazima revizije i preporukama političkoj stranci.

Nakon izvršenog pregleda godišnjeg finansijskog izvještaja za 2018. godinu, stranci su date preporuke: da finansijska sredstva osigurana za finansiranje političke stranke koristi u skladu sa svojim programom i statutom, da sredstva koristi isključivo za ostvarivanje ciljeva političke stranke, da se ne finansira iz zabranjenih izvora, da poslovne knjige vodi u skladu sa računovodstvenim propisima, da poštuje računovodstvena načela i da obrati pažnju na ispravnost i relevantnost knjigovodstvenih isprava, da uspostavi potpune i tačne evidencije o novčanim tokovima, potraživanjima i rashodima političke stranke, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da poštuje odredbe Izbornog zakona BiH i podzakonskog akta Centralne izborne komisije BiH, kojim se uređuje otvaranje namjenskog računa i njegovo korištenje isključivo za finansiranje izborne kampanje.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka nije ispoštovala date preporuke revizije.

5. NALAZI I PREPORUKE

5.1. NALAZI

a) Bosanskohercegovačka patriotska stranka – Sefer Halilović prekršila je odredbe člana 4. stav (1)¹ Zakona o finansiranju političkih stranaka.

Bosanskohercegovačka patriotska stranka-Sefer Halilović finansijska sredstva trošila je mimo svog plana utroška, te za utrošak dijela finansijskih sredstava nema relevantne dokaze, odnosno potpune i ispravne knjigovodstvene isprave, čime je prekršila odredbe člana 4. stav (1) Zakona o finansiranju političkih stranaka.

(1) U godišnjem finansijskom izvještaju stranka je iskazala ukupne troškove u iznosu od 151.369,28 KM. Stranka je u svom godišnjem planu utroška sredstava planirala ukupne troškove u iznosu od 177.292,00 KM.

¹ Finansijska sredstva iz člana 3. stav (1) Zakona o finansiranju političkih stranaka može koristiti isključivo za ostvarivanje ciljeva utvrđenih svojim programom i statutom.

Uvidom u plan utroška sredstava Služba za reviziju je utvrdila da je stranka finansijska sredstva u iznosu od 6.983,45 KM utrošila mimo utvrđenog finansijskog programa za 2019. godinu, i to:

- Bosanskohercegovačka patriotska stranka-Sefer Halilović je planirane troškove reprezentacije prekoračila za 962,09 KM. U programu utroška sredstava za 2019. godinu stranka je planirala troškove reprezentacije u iznosu od 17.000,00 KM, a iste je ostvarila u iznosu od 17.962,09 KM.; i

- Stranka nije planirala troškove ugostiteljskih usluga, a iste je ostvarila u iznosu od 6.021,36 KM.

- (2) Uvidom u izvode sa transakcijskog računa, utvrđeno je da je Bosanskohercegovačka patriotska stranka-Sefer Halilović isplatila sredstva fizičkom licu Seferu Haliloviću, predsjedniku stranke, u iznosu od 16.000,00 KM. Stranka je na isplaćena sredstva, u skladu sa poreznim propisima, platila porez i doprinose, kao na lična primanja.

Navedena sredstva, stranka je isplatila na osnovu Ugovor o angažmanu, kojim je utvrđeno da se predsjedniku stranke mjesečno isplaćuje iznos od 2.000,00 KM za troškove obilaska regionalnih i općinskih odbora stranke i troškove reprezentacije u vezi sa istim.

Stranka je dostavila račune sa benzinske pumpe kojima pravda isplaćena sredstva, ali bez putnih naloga i izvještaja sa putovanja, te se na osnovu samih računa ne može potvrditi da su sredstva utrošena isključivo za ostvarivanje ciljeva utvrđenih programom i statutom stranke.

- (3) Centrala Bosanskohercegovačke patriotske stranke-Sefer Halilović je iz blagajne gotovinski isplatila sredstva nižim organizacionim dijelovima stranke u iznosu od 5.250,00 KM.

Uvidom u dostavljene račune kojima je pravdala utrošena sredstva, utvrđeno je da je stranka računima benzinske pumpe iz Sarajeva pravdala utrošena gotovinska sredstva putem blagajne regionalnih odbora, odnosno sredstva utrošena u drugim mjestima u Bosni i Hercegovini, i to za iznos od 3.650,00 KM.

S obzirom da stranka osim računa za utrošeno gorivo nema putne naloge i izvještaje sa putovanja, ne može se utvrditi da li su sredstva stranke u iznosu od 3.650,00 KM utrošena isključivo za ostvarivanje ciljeva utvrđenih programom i statutom stranke.

b) Stranka je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Bosanskohercegovačka patriotska stranka-Sefer Halilović nije uspostavila potpune i pravilne evidencije o prihodima, novčanim tokovima i rashodima političke stranke, dio evidencija sačinjen je bez relevantnih knjigovodstvenih isprava ili na osnovu nevjerodostojnih isprava, te obrasce godišnjeg finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Stranka je dio troškova u poslovnim knjigama evidentirala na osnovu nevjerodostojne knjigovodstvene dokumentacije, odnosno na osnovu koje se ne može utvrditi da je usluga izvršena za političku stranku.

Služba za reviziju je utvrdila da je stranka sredstva koja je isplatila fizičkom licu na osnovu ugovora o angažmanu, u iznosu od 16.000,00 KM iskazala kao troškove goriva i reprezentacije za stranačke skupove po regionalnim odborima, a za iste nema odgovarajuću dokumentaciju.

Lica koja su trošila sredstva političke stranke, imala su obavezu da trošak opravdaju ispravnim računima kako bi stranka u poslovnim knjigama i finansijskom izvještaju evidentirala i iskazala stvarne troškove.

- (2) U obrascu 2.1 finansijskog izvještaja (Pregled prometa blagajne) stranka je prijavila blagajnu Centrale političke stranke.

Uvidom u poslovne knjige, utvrđeno je da je stranka evidentirala promet blagajne za šest regionalnih odbora političke stranke, u iznosu od 5.250,00 KM, koje nije prijavila u finansijskom izvještaju, čime je prekršila odredbe člana 12. Pravilnika.

- (3) Uvidom u poslovne knjige, Služba za reviziju je utvrdila da stranka u poslovnim knjigama nije uspostavila pravilne evidencije o prihodima iz budžeta. Stranka je u poslovnim knjigama evidentirala prihode iz budžeta po regionalnim odborima stranke, odnosno nije uspostavila evidenciju o prihodima iz budžeta po nivoima vlasti pojedinačno.

5.2.PREPORUKE

Preporučuje se Bosanskohercegovačkoj patriotskoj stranci-Sefer Halilović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva osigurana za finansiranje političke stranke koristi u skladu sa svojim programom i statutom, te da ih koristi isključivo za ostvarivanje ciljeva političke stranke,*
- *da poslovne knjige vodi u skladu sa računovodstvenim propisima, te da obrati pažnju na ispravnost i relevantnost knjigovodstvenih isprava,*
- *da uspostavi potpune i pravilne evidencije o prihodima, rashodima političke stranke i novčanim tokovima i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

Bosanskohercegovačka patriotska stranka-Sefer Halilović se očitovala na Preliminarni izvještaj o pregledu godišnjeg finansijskog izvještaja za 2019. godinu.

U očitovanju stranka je pored dokumentacije koja se odnosi na knjiženje prihoda i troškova stranke dostavila akt broj: 41-01-18/2018 od 18.10.2018. godine kojim obavještava Udruženje žena „Ključki biseri“ iz Ključa o otkazivanju poslovnog prostora sa 31.10.2018. godine. Osim toga, stranka je dostavila i kopije računa iz 2019. godine sa benzinske pumpe „Energopetrol“ d.d. Sarajevo za sredstva u iznosu od 658,00 KM, a koje nije imala prilikom dostavljanja dodatne dokumentacije.

Služba za reviziju je uzela u obzir argumentovane primjedbe i dostavljenu dokumentaciju, te izvršila korekcije nalaza.

Šef Odsjeka za revizijske poslove
Sanja Tošović

Šef Službe za reviziju
Mr.sc Hasida Gušić

Revizor

Veliborka Kenjić